

ԵՐԿՐՈՐԴ ԻՆՏԵՐՆԱՑԻՈՆԱԼԸ ԵՎ ԱՆԴՐԿՈՎԿԱՍԸ
(1917—1920 թթ.)

Հ. Խ. ԴԱՐԻՆՅԱՆ

1917 թ. փետրվարից Ռուսաստանում տեղի ունեցող իրադարձություններն իրենց վրա սեփական համաշխարհային հասարակության ուշադրությունը: Հեղափոխական փոթորկի աճի պայմաններում տարբեր երկրների բազմաթիվ սոցիալիստներ, որոնք դեռ երեկ իրար վերաբերվում էին որպես թշնամիներ, ելք էին որոնում մերձենալու և ամրապնդելու միջազգային սոցիալիստական կապերը: Օրակարգում դրվեց միջազգային սոցիալիստական կոնֆերանս հրավիրելու հարցը: Չեզոք երկրների սոցիալիստների նախաձեռնությամբ 1917 թ. ապրիլին ստեղծվեց նախապատրաստական հատուկ կոմիտե, Այն հայտնի է Հոլանդա-սկանդինավյան կոմիտե անունով: Մշակվեց պլատֆորմ, որտեղ հատուկ տեղ էր հատկացվում ընդհանուր զինաթափման, արտաքին քաղաքականության դեմոկրատացման, ժողովուրդների ինքնորոշման հարցերին: Կոմիտեի պլատֆորմը ներառում էր այն գաղափարները, որոնք հետագայում (1918 թ. հունվարի 8) ընկան ամերիկյան կոնգրեսին պրեզիդենտ Վ. Վիլսոնի հղած ուղերձի հիմքում: Դրանք ստացան Վիլսոնի 14 կետեր անունը: Կոմիտեի ղլխավոր խնդիրը Ստոկհոլմում միջազգային սոցիալիստական կոնֆերանսի հրավիրումն էր: Սոցիալիստական բոլոր կուսակցություններին ուղղած կոչում կոմիտեն նշում էր, որ կոնֆերանսը պետք է նպաստի պատերազմի դադարեցմանը և դեմոկրատական հաշտության կնքմանը:

Հոլանդա-սկանդինավյան կոմիտեի ներկայացուցիչ Բորգբյերգը 1917 թ. ապրիլին ժամանեց Պետրոգրադ: Նրա առաջարկը, որը փաստորեն գերմանական կառավարության առաջարկն էր, նպատակ էր հետապնդում պատերազմից Գերմանիայի դուրս գալը, քանի որ նա կանդնած էր պարտության փաստի առջև: Այսպիսով, գերմանական կառավարությունը ձգտում էր օոցիալիստների միջոցով համաձայնության գալ Անտանտի երկրների հետ: Ռուսական մենշևիկներն ու էսեններն անմիջապես տվեցին իրենց համաձայնությունը: Հարցը քննարկվեց նաև բոլշևիկների Ապրիլյան (7-րդ) կոնֆերանսում: Վ. Նոգինի ղեկուցումից հայտնի է դառնում, որ Ստոկհոլմում նախատեսվող կոնֆերանսում այլ հարցերի հետ պետք է քննարկվեր նաև Հայաստանի անկախության հարցը: Բորգբյերգն առաջարկում էր հաշտության հետևյալ պայմանները: Գերմանիան հրաժարվում է իր նվաճումներից, լեհաստանը ինքն է որոշում ում հետ գնալ՝ Ռուսաստանի, թե՛ Գերմանիայի, Բելգիան, Ռումինիան, Սերբիան, Չերնոգորիան վերականգնվում են, Բուլղարիան ստանում է Մակեդոնիայի մի մասը, իսկ Հայաստանի հարցը պետք է որոշի կոնգրեսը: Սոցիալիստները նպատակահարմար էին գրտնում Հայկական հարցը թողնել կոնֆերանսի որոշմանը: Հետաքրքիր է, որ երիտթուրքերը, իրենց ներկայացնելով որպես սոցիալիստներ, կոնֆերանսին մասնակցելու համար Ստոկհոլմ էին գործուղել իրենց պատվիրակներին՝ իթթիհատական Ն. Մասլի էֆենդուն և ղոկտոր Հուսեյն Զադե Ալի բեյին: Նրանք Ստոկհոլմ ժամանեցին հատուկ հուշագրով, որում անտեսված էին հայերի եղեռնը և թուրքերի այլ ոճրագործությունները հայ ժողովրդի

նկատմամբ: Հուշագրում պահանջվում էր «հանուն թուրքական դեմոկրատիայի՝ ազգերի ինքնորոշման իրավունք առանց սպիտակների, դեղինների և սևերի բաժանման», «գաղտնի դիվանագիտության վերացում» և այլն: Ստոկհոլմ ժամանեց նաև Հայ Հեղափոխական Դաշնակցություն կուսակցության ներկայացուցիչ Ռոստոմ Զորյանը, որի ներկայացրած հուշագրում պահանջվում էր Ռուսահայաստանի ինքնավարություն՝ ռուսական հանրապետության կազմում, թուրքական տիրապետությունից Թուրքահայաստանի աղատագրում և աղատ, անկախ Հայաստանի ստեղծում՝ վեց հայկական վիլայեթներից ու Կիլիկիայից, Հայաստանի միջազգային շեղծությունից երաշխիք և Թուրքիայի կողմից հայերին հասցված վնասների հատուցում: Հասկանալի է, որ այդ պահանջները կհանդիպեին կոնֆերանսի դիմադրությանը (հատկապես գերմանա-թուրքական ընդհանուր մեջ մտնող երկրների սոցիալիստական կուսակցությունների): Սակայն Ստոկհոլմի կոնֆերանսը տեղի չունեցավ, նրան մասնակցելու համաձայնություն տվեցին միայն մի քանի կուսակցություններ՝ Գերմանիայի սոցիալ-դեմոկրատական կուսակցությունը (մեծամասնություն), ավստրիական, հունգարական, հոլանդական, սկանդինավյան սոցիալ-դեմոկրատական կուսակցությունները և ռուսական մենշևիկները:

Երկրորդ ինտերնացիոնալի հետպատերազմյան միջազգային առաջին կոնֆերանսի նախապատրաստումն ավարտվեց 1918 թ. վերջին: Նախապատրաստական աշխատանքները ղեկավարում էին Երկրորդ ինտերնացիոնալի Գործկոմի նախագահ է. Վանզերվելդեն և քարտուղար Կ. Հյուիսմանսը: Ստանալով Անտանտի Գերագույն խորհրդի համաձայնությունը, 1919 թ. փետրվարի 3-ին Բեռլինում հրավիրվեց հետպատերազմյան առաջին սոցիալիստական կոնֆերանսը², որին մասնակցում էին 26 երկրների 102 պատվիրակներ: Մասնակիցների թվում էին նաև Հայաստանի ու Վրաստանի ներկայացուցիչները³: Կոնֆերանսը բացեց շվեդական սոցիալ-դեմոկրատ Կ. Բրատինգը: Նա փորձեց ցույց տալ, որ Երկրորդ ինտերնացիոնալն ամեն ինչ արեց, որպեսզի կանխի պատերազմը, բայց նրա ջանքերը հաջողություն չունեցան⁴:

Անդրադառնալով «ռուսական հարցին», կոնֆերանսը գերմանական կառավարությանը խնդրեց, որպեսզի վերջինս միջնորդի՝ Ռուսաստան Երկրորդ ինտերնացիոնալի պատվիրակություն ուղարկելու թույլտվություն ստանալու համար, սակայն դա տեղի չունեցավ:

Կոնֆերանսում քննարկվեց նաև տարածքների հարցը, որը շատ էր հուզում հատկապես փոքր ժողովուրդներին և նոր ստեղծված պետություններին: Կ. Բրատինգն առաջարկեց, որպեսզի հաղթող պետություններն ի շարք չգործադրեն իրենց հաղթանակը, որը վարող է «նոր կոնֆլիկտների» պատճառը դառնալ: Միաժամանակ, նա փոքր ազգերին խորհուրդ էր տալիս «իրենց պահանջներում հեռուն չգնալ՝ ոգևորված հաջողություններից»⁵: Հարցի քննարկմանն ակտիվորեն մասնակցեցին վրացական պատվիրակությունն Ա. Չխենկելու և հայկական պատվիրակությունը՝ Մ. Վարանդյանի գլխավորությամբ:

Դեռևս 1918 թ. նոյեմբերին Միջազգային սոցիալիստական բյուրոյում ստացվեց վրացական սոցիալ-դեմոկրատական կուսակցության (մենշևիկների) նամակը, որ ստորագրել էին Մերեթիին, Ժորդանիան, Չխենկելին, Ռամիշվիլին և Գեգեչկորին: Նամակի սկզբում եվրոպական իրենց համա-

² Կոնֆերանսը նախապես որոշված էր հրավիրել Փարիզում: Բայց ֆրանսիական կառավարությունը հրաժարվեց անցաթղթեր տալ հակառակորդ երկրների պատվիրակներին:

³ Palm Dutt The International, London, 1920, p. 13.

⁴ Правда, 8. II, 1919.

⁵ Նույն տեղում:

խոհներին ժանոթացնելով Վրաստանի դարավոր պատմութանը, վրաց մեն-
շկիկներին առաջնորդները նշում էին, որ ամբողջ վրաց ժողովուրդը մեծ գո-
հունակությամբ ընդունեց Փետրվարյան հեղափոխությունը՝ այն համարելով
իսկական դեմոկրատիայի հաղթանակ։ «Որպես համառուսական հեղափո-
խական շարժման մասնակիցներ,—գրում էին նրանք,—մենք առաջինը
մտանք Ձեր ինտերնացիոնալ ընտանիքի մեջ»⁶։ Առաջին համաշխարհային
պատերազմը համարելով շարիք, նամակի հեղինակները Փետրվարյան հե-
ղափոխության մեջ տեսնում էին լավագույն հույսերի իրականացում, ողջ
մարդկության ազատագրության արշալույս, ժողովուրդների համաշխարհա-
յին եղբայրության վերածննդի արշալույս⁷։ Նրանք Հոկտեմբերյան հեղա-
փոխության և բոլշևիկների կողմից իշխանության գրավման մեջ էին տես-
նում երկրում սկսված քաղաքացիական պատերազմի պատճառը, որի հե-
տևանքով Ռուսաստանը տրոհվեց մասերի, իսկ Անդրկովկասն էլ կտրվեց
հյուսիսից։ Սակայն Ռուսաստանից Անդրկովկասի բաժանումը մենշկիկները
ռուսաառում էին որպես փրկություն, քանի որ եթե Ռուսաստանում սկսված
քաղաքացիական պատերազմն իր մեջ առներ նաև Անդրկովկասը, ապա
ազգամիջյան բախումներն անխուսափելի կդառնային⁸։ Ինչպես հայտնի է,
Ռեհստի հաշտության ստորագրումից հետո Անդրկովկասը ենթարկվեց Թուր-
քիայի հարձակմանը։ Շուտով թուրքերը գրավեցին երկրամասի տարածքի
զգալի մասը։ «Մենք մնացինք մենակ կրակե օդակի մեջ,—գրում էին մեն-
շկիկները,—բոլոր կողմերից շրջապատված թշնամիներով։ Արևմուտքից և
հարավից հարձակվում էին թուրքերը, հյուսիսից մեզ սպառնում էին բոլշևիկ-
ները...»⁹։ Վրաց մենշկիկների կարծիքով, արտաքին վտանգից փրկվելու հա-
մար Անդրկովկասը, այդ թվում և Վրաստանը, պետք է ստանա եվրոպական
երկրների օգնությունը¹⁰։ Քանի որ Վրաստանը վեր է ածվել ամենադեմո-
կրատական երկրի և ազատության խորհրդանշի, գրում էին նամակի հեղի-
նակները, ապա նա կարող է հյուրընկալել այն բոլոր մարդկանց, որոնց
«պատերազմը, ռեակցիան և անարխիան դուրս են մղել հարևան երկրներից։
Մասնավորապես, 300 հազար հայ գաղթականներ, նշում էին նրանք,—ա-
պաստան են գտել Վրաստանում»¹¹։

Դիմելով Երկրորդ ինտերնացիոնալի առաջնորդներին, վրացական մեն-
շկիկները ինտերնացիոնալի մեջ տեսնում էին «միակ հենարանը... բոլոր
վտանգների դեմ» և Վրաստանի ողջ աշխատավորության անունից օգնու-
թյուն էին խնդրում բոլշևիկների դեմ մղվող պայքարում։

Երբ հայտնի դարձավ, որ 1919 թ. փետրվարին Բեռլնում պետք է տեղի
ունենա Երկրորդ ինտերնացիոնալի հետպատերազմյան առաջին կոնֆերան-
սը, 1919 թ. հունվարին նրա կազմկոմիտեում ստացվեց վրացական պատ-
վիրակության ղեկավար Ա. Զխենկելու նամակն Անդրկովկասում տիրող սո-
ցիալական ու քաղաքական իրավիճակի մասին։ Ա. Զխենկելին իր նամա-
կում ցույց տալով վրացական մենշկիկների անցած ուղին՝ սկսած մենշկիկ-
յան կուսակցության ստեղծման պահից մինչև Հոկտեմբերյան հեղափոխու-
թյան հաղթանակը, այն միտքն էր զարգացնում, որ այդ կուսակցությունը
ցարիզմի օրոք եղել է Անդրկովկասում ամենաուժեղ և ազդեցիկ կազմա-
կերպությունը¹²։ Անդրկովկասյան սելմի փլուզումը և ինքնուրույն բուրժուա-
կան երեք հանրապետությունների առաջացումն Ա. Զխենկելին բացատրում

⁶ Վրաստանի հանրապետության պետական արխիվ (այսուհետև ՎՀԱ), ֆ. 1831, ց. 1, գ. 4, թ. 6։

⁷ Նույն տեղում, թ. 6 հակ.։

⁸ Նույն տեղում։

⁹ Նույն տեղում, թ. 8 հակ.։

¹⁰ Նույն տեղում։

¹¹ Նույն տեղում, թ. 9։

¹² Նույն տեղում, թ. 1։

էր ոչ թե ազգամիջյան հակասութիւններով, այլ արտաքին վտանգով (բուլղարիկների կողմից՝ հյուսիսից, թուրքների կողմից՝ հարավից և արևմուտքից)։ Ա. Չխենկելին տեսնում էր ինքնուրույն վրացական հանրապետութեան հրաշակման երկու հիմնական պատճառ. 1. Ազրերեջանը և Հայաստանը համարյա ամբողջովին գրավվել են թուրքների կողմից, 2. վրաց ժողովուրդն ավելի ուժեղ և գիտակից դեմոկրատիա ուներ, քան հարևան մյուս երկու ժողովուրդները, «Վրաստանը նախկին Ռուսաստանում միակ երկիրն է, — գրում էր Չխենկելին, — որն առանց կողմնակի օգնութեան հաղթահարել է անարխիան երկրի ներսում և լիակատար հաղթանակ է տարել բոլոր կողմերից ներխուժած բուլղարիկյան ջոկատների դեմ»¹³։ Նա նշում էր, որ Վրաստանում մտցվել են 8-ժամյա բանվորական օր, բնականորէն տրական իրավունք, դեմոկրատական, ազատութիւններ և ինքնավարութիւն։

Այդ ժամանակ Վերսալում դեռևս շարունակվում էր խաղաղութեան կոնֆերանսը։ Վրաստանը Չխենկելի և Մերեթելու գլխավորությամբ Փարիզ էր ուղարկել իր պատվիրակութիւնը՝ նպատակ ունենալով հասնել նրան, որ խաղաղութեան կոնֆերանսի մասնակիցները ճանաչեն «իրենց անկախութիւնը՝ ժողովուրդների ինքնորոշման իրավունքի հիման վրա»¹⁴։ Ա. Չխենկելին դա բացատրում էր նրանով, որ Վիստնի ծրագիրը կրակաշարով է մեծ ու փոքր ժողովուրդների անկախութիւնը։ Ա. Չխենկելին Բեռլին կոնֆերանսի կազմկոմիտեից խնդրում էր. «1) ճանաչել Վրաստանի սույն-բն. կուսակցութիւնը որպէս Ինտերնացիոնալի ինքնուրույն սեկցիա, տալով նրան համապատասխան ձայների թիւ»։

2) Ինտերնացիոնալի կողմից վաղուց հռչակված ժողովուրդների ինքնորոշման սկզբունքի համաձայն բարձրացնել իր հեղինակավոր ձայնը՝ հօգուտ բոլոր պետութիւնների կողմից Վրաստանի դեմոկրատական հանրապետութեան անկախութեան ճանաչման»¹⁵։

Անդրկովկասի ներկայացուցիչները Բեռլին կոնֆերանսին ակտիվ մասնակցեցին հատկապէս տարածքների հարցի քննարկման ժամանակ։ Դեռ մինչև կոնֆերանսի բացումը՝ 1918 թ. վերջին, տեղի էր ունեցել հայ-վրացական կոնֆլիկտը տարածքների հարցում։ Սա Ա. Չխենկելին առիթ տվեց կոնֆերանսում հայտարարելու, որ վիճելի տարածքների հարցը քննելու ժամանակ տնտեսական, պատմական և ռազմական գործոնները ոչ մի նշանակութիւն չունեն, ոո «ամեն ինչ լուծվում է էթնիկական սկզբունքով և բնակչութեան հանրաքվեով»¹⁶։ Եվ քանի որ հայերը հավանում էին Թիֆլիսի նահանգի Ախալքալակի գավառին, «որտեղ հայերը (արևմտահայեր) կազմում են մեծամասնութիւն, հետեւաբար, «էթնիկական» պատճառաբանութիւնն առկա է, մնում է միայն կազմակերպել հանրաքվե, և հարցը լուծված է»¹⁷։ Այնուհետև Ա. Չխենկելին շարունակում էր իր դիտողութիւնները. «Եթե այդ բոլորով հանդերձ կիսախտվեն հարևանի կենսական շահերը, ավելի վատ խախտողի համար։ Իհարկե, այդ արարողութիւնը սպանիլ կլինեն մեծից առաջ հայերի համար ինչպէս Թուրքիայում, այնպէս էլ Անդրկովկասի տարբեր շրջաններում, որտեղ հայերը խառն են ապրում մուսուլմանների հետ։ Բայց հայ-վրացական վեճի շրջանակներում Բորչալուի և Ախալքալակի գավառների մասին այդպիսի արարողութիւնը կհանդիսանար հայերի համար շահեկան»¹⁸։

¹³ Նույն տեղում, թ. 2։

¹⁴ Նույն տեղում, թ. 4։

¹⁵ Նույն տեղում, թ. 5։

¹⁶ З. А в а л о в, Независимость Грузии в международной политике 1918—1921 гг., Париж, 1924, с. 272.

¹⁷ Նույն տեղում։

¹⁸ Նույն տեղում։

Բեռլին կոնֆերանսում որոշվեց Երկրորդ ինտերնացիոնալի պատվիրակություն (պերմանենտ հանձնաժողով) ուղարկել Ռուսաստան՝ «Խորհրդային Ռուսաստանի քաղաքական ու տնտեսական կյանքին ծանոթանալու նպատակով»¹⁹։ Այդ առթիվ 1919 թ. մարտի 3-ին Հյուսիսմանսի անունով ստացվեց կոնֆերանսում վրացական մենչևիկների պատվիրակության ղեկավար Ա. Զխենկելու և պատվիրակության անդամ Կ. Շավաշվիլու նամակը, որը դարձավ ինտերնացիոնալի «սոցիալիստական պերմանենտ հանձնաժողովի վրացական սեկցիայի» փաստաթուղթ։ Նրանում առաջարկվում էր, որպեսզի Երկրորդ ինտերնացիոնալի պատվիրակությունը շրջագայություն կատարի նաև նախկին Ռուսաստանի ազգային, արվեստականության ստալինյան շրջաններում, գտնելով, որ յոթ կարող է ունենալ ոչ պակաս պրակտիկ հետաքրքրություն, քանի որ դրանով հնարավորություն կստեղծվի պատկերացում կազմելու անցյալում միասնական Ռուսաստանում տեղի ունեցող դեպքերի մասին և ճիշտ գնահատելու դրանց պատմական խոր իմաստը»²⁰։ Նամակի հեղինակները ցույց էին տալիս, որ Խորհրդային Ռուսաստանը աշխարհում է սկսել բոլոր ազգային պետությունների դեմ և փաստորեն պատվիրակությանը պարտավորեցնում էին Երկրորդ ինտերնացիոնալի հաջորդ կոնգրեսին ներկայացնել «իսկապատանքի արդյունքները, արտահայտելով իր կարծիքը ոչ միայն Խորհրդային Ռուսաստանի, այլ նաև ամբողջականորեն նրա հետ պատերազմի մեջ գտնվող պետությունների և մարզերի սոցիալիստական կուսակցությունների քաղաքականության ու տակտիկայի մասին»²¹։

Մենչևիկյան պատվիրակության ղեկավարները տեղեկատվական հանձնաժողովի ուղարկությունն էին դարձնում այն բանի վրա, որ մենչևիկները Վրաստանում վարում էին բուլշևիկներին հակառակ քաղաքականություն և տակտիկա, «Ռուսաստանից անջատված ազգային պետություններից Վրաստանը միակ բացառությունն է ոչ միայն նրանով, որ այն կառավարում են սոցիալիստները,—գրում էին նրանք,—այլ նաև նրանով, որ նրանք այն կառավարում են դեմոկրատական սկզբունքների համաձայն»²²։ Ա. Զխենկելին Հյուսիսմանսից խնդրում էր, որպեսզի կոնֆերանսի պատվիրակությունն անպայման այցելի Վրաստան»²³։

Սակայն Խորհրդային կառավարությունը չհամաձայնեց Երկրորդ ինտերնացիոնալի պատվիրակության ժամանմանը Ռուսաստան և նրա Վրաստան ժամանումը հետաձգվեց մինչև 1920 թ. սեպտեմբերը։

Տարածքների հարցում Բեռլին կոնֆերանսում հայ և վրաց սոցիալիստների միջև սկսված վեճը չավարտվեց։ Արդեն 1919 թ. մայիսի սկզբին Երկրորդ ինտերնացիոնալի բյուրոյում ստացվեց և քննարկվեց Մ. Վարանդյանի բողոքը վրացական կառավարության դեմ, որը «ճնշում է հայերին, զբաղվում «իմպերիալիզմով» և ակնհայտորեն խախտում այն սկզբունքները, որոնք մինչ այդ ընդունվել էին Բեռլին սոցիալիստական կոնֆերանսում»²⁴։

Ինտերնացիոնալի բյուրոն լսեց երկու պատվիրակություններին, որից հետո՝ մայիսի 10-ին, տեղի ունեցավ վրացական և հայկական պատվիրակությունների խորհրդակցություն։ Դրան մասնակցում էին Ա. Ահարոնյանը, Հ. Օհանջանյանը, Մ. Վարանդյանը, Ա. Զխենկելին, Մերեթելին, Ավալիանին և ուրիշներ։ Սակայն նրանք որևէ համաձայնության չեկան։ Ի վերջո վրացական պատվիրակությունն առաջարկեց, որպեսզի ամբողջապես ստեղծվի արբիտրաժ հանձնաժողով, որը Բեռլին կոնֆերանսի որոշումների հիման

¹⁹ Նույն տեղում, թ. 2։

²⁰ ՎԼԳԱ, ֆ. 1831, ց. 1, գ. 8, թ. 1։

²¹ Նույն տեղում, թ. 2։

²² Նույն տեղում, թ. 3։

²³ Նույն տեղում, թ. 5։

²⁴ Յ. А в а л о в, նշվ. աշխ., էջ 212։

վրա զբաղվի վիճելի տարածքներում հանրաքվե անցկացնելու հետ կապված բոլոր հարցերով և, որպեսզի երկու պատվիրակություններն էլ կայացված համաձայնության մասին տեղյակ պահեն Փարիզի կոնֆերանսին: Այդ առաջարկը դուր եկավ «գաղափարներին»: Հենդերսոնը հայ-վրացական կոնֆլիկտը որակեց որպես «հարավային տաքարյունություն ունիցի» և առաջարկեց, որպեսզի վրացական զորքերը և վարչությունը մինչև հանրաքվեի անցկացումը հեռանան վիճելի տարածքներից: Վրացական պատվիրակությանը պաշտպանեց Հյուսիսմանսը, որը հայտարարեց, որ նման և այլ հարցերը պետք է լուծի արբիտրաժ հանձնաժողովը²⁵: Սակայն հայերի համառությունը (հատկապես Մ. Վարանդյանի) այնքան ուժեղ էր, որ Հյուսիսմանսը նրանց հանդիմանեց, որ չեն ցանկանում ընդհանուր համաձայնության պայմաններում հանդիմանալ: Այնպես որ այդ փորձերն էլ որևէ արդյունք չտվեցին: Մինչև այդ վրացական կառավարությունը նախատեսել էր 1918 թ. նոյեմբերին հրավիրել անդրկովկասյան երեք հանրապետությունների կոնֆերանս, որտեղ պետք է քննարկվեր նաև սահմանների հարցը: Սակայն այդ կոնֆերանսը բացվեց միայն 1919 թ. մայիսին, երբ Անդրկովկասին սպառնում էր Դենիկինի կամավորական բանակը: 1919 թ. օգոստոսին, երբ բացահայտ արյունալի ընդհարումներ էին սկսվել հայերի և մուսուլմանների միջև, կոնֆերանսի աշխատանքները վերսկսվեցին: Իսկ ինչ մնում է Երկրորդ ինտերնացիոնալի բյուրոյին, ապա նա այլևս չզբաղվեց հայ-վրացական հարցերով, ջանքի որ դրա համար ո՛չ ուժ, և ո՛չ էլ հեղինակություն ունեի: Ճիշտ է, Հայաստանի և Վրաստանի պատվիրակները մասնակցեցին 1919 թ. ապրիլին և օգոստոսին տեղի ունեցած Երկրորդ ինտերնացիոնալի Ամստերդամի և Լյուցերնի կոնֆերանսներին, բայց այդ մասնակցությունը զուտ ձևական բնույթ էր կրում: Երկրորդ ինտերնացիոնալի բյուրոն, որ գտնվում էր Բեռնում, ունեցավ բազմաթիվ նիստեր: Դրանցից մեկում (տեղի ունեցավ 1919 թ. ապրիլի 20—29-ր Ամստերդամում) քննարկվեց նաև Ֆինլանդիայի, էստոնիայի, Հայաստանի և Ուկրաինայի անկախության, Թուրքիայի ու Հայաստանի սահմանների հարցը²⁶:

Երկրորդ ինտերնացիոնալի երկրորդ կոնֆերանսը հրավիրվեց 1919 թ. օգոստոսին՝ Լյուցերնում: Այն բացեց Հենդերսոնը, որը վերլուծեց աշխարհի բաղադրական դրությունը:

Կոնֆերանսում ճառով հանդես եկավ Ա. Զխենկելին: Նա հայտարարեց, որ 1919 թ. հունվարին անգլիական զորքերի մուտքը Վրաստան բնակչության բոլոր խավերի կողմից ընդունվեց «մեծ գոհունակությամբ»: Ըստ նրա, դրա համար կային երկու պատճառներ. նախ՝ վրաց ժողովուրդը հանձին անդիպացիների տեսնում էր Եվրոպայի հնագույն դեմոկրատիայի ներկայացուցիչների, «փոքր, ճնշված ժողովուրդների ինքնորոշման իրավունքի իսկական պաշտպաններին» և երկրորդ՝ անգլիացիները դաշնակիցների հետ միասին Կովկասն ազատագրեցին թուրքական վտանգից²⁷: Այդուհանդերձ, Ա. Զխենկելին բողոքում էր, որ անգլիացիներն օգնություն են ցույց տալիս Դենիկինին, որը ձգտում էր «ոչնչացնել ինչպես վրացական, այնպես էլ կովկասյան մյուս հանրապետությունների անկախությունը և ազատությունը»²⁸: 1919 թ. փետրվարին Դենիկինի կամավորական բանակը հանկարծակի հարձակում էր գործել վրացական հանրապետության վրա և ոռավել Սոչիի մի մասն ու Սուխումի շրջանի մի մասը: Վրա, —ասաց Ա. Զխենկելին, —տեղի ունեցավ անդիպացիների պասսիվ հայեցողությամբ, և միայն, երբ վրացական կառավարությունը եռանդուն բողոք հայտնեց Կոստանդնուպոլսում բրիտանական բարձրագույն հրամանատարությանը՝ բրիտանական կառավա-

²⁵ Նույն տեղում, էջ 212, 214:

²⁶ Palm Dutt, Նշվ. աշխ., էջ 18:

²⁷ Красный архив, 1927, № 2, (21) с. 169:

²⁸ Նույն տեղում, էջ 170:

րութիւնը գննելու Դենիկինից պահանջեց հեռանալ գրաված տարածքներից, որը, պարզ է, վերջինս չկատարեց, իսկ 1919 թ. ամռանը գրավեց նաև Գագ-րայի շրջանը, ճասպար՝ բացելով դեպի Վրաստանի խորքերը»²⁹։ Սակայն Ա. Չիսնկեկևի, մոռացավ ասել, որ անգլիական հրամանատարության և վրացական կառավարության միջև դեռևս 1919 թ. փետրվարին լիակատար համաձայնություն էր կայացվել Դենիկինին օգնելու վերաբերյալ։ Բանակ-ցութիւնները, որոնք տեղի ունեցան նաև հաջորդ ամիսներին, բոլոր հար-ցերում հանգեցրին լիակատար համաձայնության։ Գլխավորն այն էր, որ բրիտանական էջելոնները անարգել Վրաստանի վրայով օգնություն պետք է հասցնեին Դենիկինին։ Ի պատասխան բարեկամական այդ քայլի, Անտանտի Կարագույն խորհուրդը որոշում ընդունեց վրացական կառավարության պաշ-տոնական ճանաչման մասին։

1920 թ. հուլիսին տեղի ունեցավ Երկրորդ ինտերնացիոնալի երրորդ կոնգրեսը, որին մասնակցում էին շատ քիչ թվով պատվիրակներ։ Բազմա-թիվ այլ հարցերի հետ քննարկվեց նաև «Վերսալի պայմանագրի և միլիտա-րիզմի վտանգի մասին» հարցը։ Ժնևի կոնգրեսում ընդունված բանաձևում (հեռինակ լաֆոնտեն) նշվում էր, որ ոչ մի տարբերություն չկա Գերմանիայի նկատմամբ Անտանտի միլիտարիստական քաղաքականության և ծայրամա-սերում (Հայաստան, Վրաստան, Ադրբեյջան) լուրջեցիկների քաղաքականու-թյան միջև»³⁰։

Կոնգրեսը հաստատեց զաղութային և կանխյալ երկրների մասին լյու-ցերնի կոնֆերանսի որոշումը ու որոշեց պատվիրակություն ուղարկել Անդրը-կովկաս՝ տեղի վիճակին ծանոթանալու և զեկուցագիր պատրաստելու հա-մար։

1920 թ. սեպտեմբերին՝ Ժնևի կոնգրեսից անմիջապես հետո, Վրաստան ուղևորվեց Երկրորդ ինտերնացիոնալի պատվիրակությունը, որի կազմի մեջ էին է. Վանդերվելդեն, Դե Բրյուկերը, Ռ. Մակդոնալդը, Ա. Թոման, տիկին Մոնոդենը, Պ. Ռենդելը, Շոուն, Կ. Հյուսմանսը և Բրուկկեն։ Պատվիրակու-թյունը Վրաստանում մնաց 10 օր, հանդիպումներ ունեցավ վրաց ժողովրդի տարբեր խավերի ներկայացուցիչների հետ։ Մենշևիկներն ամեն ինչ արին, որպեսդի հյուրերին ընդունեն հավուր պատշաճի։ «Սոցիալիստական Եվ-րոպայի ներկայացուցիչներն այստեղ կտեսնեն ազդային պետություն, որը վճռականորեն ընթանում է սոցիալիզմի ուղիով»³¹,—գրում էր «Բորբա» թերթը։ Իսկ Ն. Ժորժաեիան հյուրերի պատվին կազմակերպված ընդունե-լության ժամանակ հայտարարեց, որ մենշևիկները դեմոկրատական մեծ ռե-ֆորմներ են իրականացրել քաղաքական, ազրարային և սոցիալական բնա-գավառներում։ Հյուրերը գովեստի խոսքեր հայտնեցին մենշևիկների հաս-դեին։ Կ. Հյուսմանսը մասնավորապես հայտարարեց. «Դուք (վոադական մենշևիկները—Հ. Դ.) մեր հույսն ենք, քանի որ Վրաստանը միակ երկիրն է, որի գլուխ են կանգնած սոցիալիստները։ Ձեր կործանումը մեր կործանումը կլինի, ձեր հաղթանակը՝ մեր հաղթանակը։ ...Մի տապալեք մեր հույ-սերը»³²։

Թիֆլիսում տեղի ունեցած ժողովներից մեկում Պ. Ռենդելը խորհրդ-դային Ադրբեյջանի դեմ պատերազմի կոչ էր անում, ցույց տալով, որ «Վրաս-տանը պետք է կանգնի Անդրկովկասի ժողովուրդների գլուխ և դժբախտ ադրբեյջանցիներին ազատագրի կոմունիստներից, որոնք ոչնչացնում են ամեն մի ազատություն»³³։

²⁹ Նույն տեղում, էջ 171։

³⁰ Борьба, 25. V. 1920.

³¹ Նույն տեղում, 14. IX. 1920.

³² Նույն տեղում, 17. IX. 1920.

³³ Коминтерн, 1920, № 15, с. 3104.

Իր հերթին Կ. Կաուցկին, որը Վրաստան էր ժամանել որպես «մասնավոր» անձ և այնտեղ մնաց երեք և կես ամիս, Վրաստանից հեռացրից ինքն՝ Երկրորդ ինտերնացիոնալի գործկոմ, խնդրելով անհապաղ օգնություն ցույց տալ Վրաստանին՝ նրա արդարացի պայքարում⁸⁴։

Տնտեսական ծանր վիճակից Վրաստանի դուրս գալու ելքը Կ. Կաուցկին տեսնում էր այն Եվրոպայի ազդեցությանը ենթարկելու մեջ, նա վրաց մենշևիկներին հենց այդպիսի խորհուրդ տվեց իր բազմաթիվ ելույթներում ու «Սոցիալիզմի պրոբլեմները և հեռանկարները Վրաստանում» զեկուցման մեջ, որը լույս տեսավ մենշևիկյան «էրթոբա» թերթում և առանձին գրքուկով։

Բայց Երկրորդ ինտերնացիոնալի պատվիրակությունը ոչնչով չկարողացավ օգնել Անդրկովկասի ժողովուրդներին։ Շուտով նախ Հայաստանում, իսկ ապա նաև Վրաստանում հաստատվեցին խորհրդային կարգեր։

ВТОРОЙ ИНТЕРНАЦИОНАЛ И ЗАКАВКАЗЬЕ (1917—1920 гг.)

Г. Х. ДАРБИНЯН

Р е з ю м е

В самом начале первой мировой войны Второй Интернационал потерпел крах. И только на последнем этапе войны был поставлен вопрос о созыве международной социалистической конференции. Она предусматривалась в Стокгольме, где наряду с многочисленными вопросами должен был быть обсужден также вопрос о независимости Армении. Но конференция состоялась лишь в феврале 1919 г. в Берне. Фактически Второй Интернационал был восстановлен. Был обсужден целый ряд вопросов, в том числе и вопрос о территориях, который особо волновал малочисленные народы. В обсуждении вопроса активно участвовали грузинская и армянская делегации во главе с А. Чхенкели и М. Варандяном. Как в Берне, так и на других конференциях Второго Интернационала, проходивших в дальнейшем, обсуждение обострившихся армяно-грузинских споров не дало положительных результатов, а Интернационал не смог принять какого-либо серьезного решения по этому вопросу.

Осенью 1920 г. делегация Второго Интернационала прибыла в Закавказье с целью ознакомления с положением дел на месте и составления отчета. Но делегация не смогла ничем помочь народам края, так как в Армении, а затем и в Грузии установилась Советская власть.

⁸⁴ Նույն տեղում, էջ 3105։